

Clemens Episcopus servus servorum Dei
 ad perpetuam rei memoriam. In Apostolicæ Dignitatis fastigio, ad quod inefabilis Divinæ Clementiæ abundantia humilitatem nostram, meritis licet imparibus, evehere dignata est, Pastorale nostram sollicitudinem, quantum Nobis ex alto conceditur, representare iugiter satagentes, illaque pie & prudenter ad dirimendas lites inter Christi fideles quoslibet, præsertim illos, qui in sortem Domini vocati, sacrisque ministerijs addicti, in Cathedralibus, & Metropolitanis Ecclesijs, Altissimo præstant famulatum, constituta esse noscuntur, ne in recidiuè contentionis scrupulum in posterum relabantur, sed vt perpetuo firma, & illibata persistant, Apostolici muniminis Nostri patrocínio libenter constabilimus, novisque præfidijs, vt servantur corroboramus, & alias desuper officij nostri partes favorabiliter inrerponimus, provt rationabiles causæ, & pia sublimium Principum, præclaris in Ecclesia Dei meritis fulgentium, vota exposcunt, ac temporum & locorum, atque personarum circumstantijs debite pensatis, ad Omnipotentis Dei gloriam, ipsarum Ecclesiarum decorem, & in illis famulantium quietem, ac Dominici Gregis edificationem, expedire in Domino salubriter arbitramur. Cum itaque alias dilectus filius noster Ioannes Everardus, Tituli Sancti Bartholomæi in Insula Presbyter Cardinalis Nidhardus nūcupatus, apud Nos & Sedem Apostolicam Charissimi in Christo Filij Nostri Caroli Hyspaniarum Regis Catholici Orator, & Charissimæ in Christo Filix nostræ Marianæ Hyspaniarum Reginæ, & prædicti Caroli Regis Matris, & tunc Tutricis, & eius Regnorum Gubernatricis, & deinde postquam dictus Carolus Rex Decimumquintum suæ ætatis annum, benedicente Domino feliciter inchoavit, & administrationem suorum Regnorum suscepit, eiusdem Caroli Regis respectivè Nominibus Nobis humiliter exposuerit. Quod alias postquam lis & causa, primò forsan in partibus, coram certis illarum partium Iudicibus competētibus, & deinde in Romana Curia, & causarum Palatij Apostolici Auditorio, coram diversis illius Auditori-

bus, inter dilectos Filios Priorem Capitulum, & Canonicos Metropolitanæ Ecclesiæ Beatæ Mariæ de Columna, vulgò del Pilar, nuncupatæ, Ordinis Sancti Augustini Canonicorum Regularium ex vna, ac Decanum Capitulum, & Canonicos Metropolitanæ Ecclesiæ Sancti Salvatoris, Civitatis Cæsaraugustanæ ex altera partibus, super Cathedralitate, rebusque alijs, in actis causæ, & causarum huiusmodi latius deductis, & earum occasione in tertia, seu alia veriori instantia diu agitata, & ventilata fuerit, fœlicis recordationis Alexander Papa Septimus, Prædecessor Noster, cui gravia scandala, quæ ex lite & causa huiusmodi orta erant, & in dies oriebantur, bene innotuerant, illis occurrere, ac in præmissis, & circa ea opportunè providere desiderans, de aliquorum tunc existentium Sanctæ Romanæ Ecclesiæ Cardinalium, & dictæ Curiæ Prælatorum, super causa; & lite huiusmodi, ab eo specialiter Deputatorum, qui negotium huiusmodi maturè perpenderant, & accuratè discussserant, vnanimi consensu, Motu proprio, & ex certa scientia, & matura deliberatione, suis, deque Apostolicæ potestatis plenitudine, lites & controversias quascumque, inter prædictos Colligantes, & in quacumque instantia, & tam in prædicto Auditorio, quàm alio quovis Tribunali, etiam Nuntiaturæ Hispaniarum, & coràm quocumque alio Iudice, pendentes, in statu, & terminis, in quibus tunc reperiebântur, à prædictis & alijs quibusvis Tribunalibus, & Iudicibus ad se avocaverit, illasque omnes, & singulas pœnitus, & omnino perpetuò suppresserit, peremerit, extinxerit, & aboleverit, ac perpetuum de super Colligantibus prædictis silentium imposuerit, eisque os occluserit, & ad evitandas rixas, & crebra scandala in futurum, diversas ordinationes, & constitutiones, per suas litteras in forma Brevis, sub Annulo Piscatoris, sub die vigesima prima Octobris, anni Domini millesimi sexcentissimi sexagesimi sexti, Pontificatus sui anno Undecimo emanatas, & præsertim, vt inter dictas Ecclesias Beatæ Mariæ, & Sancti Salvatoris huiusmodi, earumque Capitula, & Personas, perpetuis futuris tēporibus in singulis functionibus Cathedralitati cōpetētibus, etiam iuxta Decretū Cardinalium, & Prælatorum prædictōrū, ordo Alternatiuæ servaretur, ediderit, & observari mandaverit, seu ordinationes, & statuta de super facta approbaverit, & confirmaverit, pro vt in dictis litteris vberius cōtinetur: Verum cum litteræ prædictæ ex certis causis executionem non habuerint, ac lites & controversiæ, ac scandalâ huiusmodi, sedata non remanserint, & forsân exereuerint. Id circo dicti Caroli Regis nomine, dicta Marianna Regina, sedulo prospiciens ex eisdem præmissis aliquod graue damnum dictæ Civitati, & toti Aragoniæ Regno contingere posse, illique occurrere

fatagens, pluries vocatis, & auditis, tam simul, quam seorsim, pluri-
 bus Doctissimis, & Iurisconsultissimis viris, non sine magnis diffi-
 cultatibus, operam dedit, ut Collitigantes prædicti arctissimis iuris
 vinculis se se obligarent, facturos, & executuros esse, & fore omnia
 & singula, quæ Nos ob finem sedandarum litium, ad instantiam, &
 propositionem, ac interpositionem dictæ Mariannæ Reginae, dicto no-
 mine fieri, & exequi præcepissemus, prout in publicis desuper respec-
 tive confectis instrumentis etiam plenius continetur; Et licet eidem
 Mariannæ Reginae plurimum cordi esset, quod literæ Alexandri Præ-
 decessoris prædicti, debitæ executioni demandarentur, nihilominus
 perpenfis difficultatibus, in quas incurrendum fore prævidit ab eis-
 dem litteris, & etiam aliquibus antiquis concordijs, quæ inter prædi-
 ctos Collitigantes, seu eorum Antecessores alias initæ, & Apostolica,
 seu ordinaria auctoritate forsan approbatæ dicuntur, recedere, ex-
 pediens, imò necessarium visum fuit, atque ideò dicta Marianna
 Regina, facultate sibi à Partibus tributa, Nobis proponendi, quæ ad
 dictum finem consequendum convenientiora, & promptiora essent,
 habito prius exacto rei examine, uti volens, quandam formam rescin-
 dendarum in posterum litium & discordiarum omnium, inter præ-
 dictas Ecclesias, ac perpetuæ pacis introducendæ, sub certis capituli-
 bus, de quibus infra, Nobis proposuit. Nos igitur cupientes litibus, &
 controversijs huiusmodi finem imponere, illasque penitus, & omni-
 no dirimere, perimere, & de medio tollere, & ante omnia zelum ve-
 rè Christianum, quo inflammati prædicti Carolus Rex, & Marianna
 Regina eius Mater, Ecclesiarum suæ ditionis prospero statui, & Ec-
 clesiasticorū Paci, & Concordiæ invigilant, plurimū in Domino cõ-
 mendantes, ad eorum instantiam, & supplicem interpositionem Ca-
 pitula, & Canonicos dictarū Ecclesiarum, earūque singulares perso-
 nas à quibusvis excommunicationis, suspensionis, & interdicti, alijs-
 que Ecclesiasticis sententijs, censuris, & pœnis à iure, vel ab homine,
 quavis occasione, vel causa latis, si quibus quomodolibet innodati
 existunt, ad effectum præsentium tantum consequendum, harum
 ferie absolventes, & absolutos fore censentes, Motu proprio, & ex
 certa scientia, nostra deque Apostolicæ potestatis plenitudine, obli-
 gationem prædictam, ab utriusque Ecclesiæ Capitulis, admittendi, &
 exequendi ea omnia, quæ Nos ad propositionem, & interpositionem
 prædictæ Mariannæ Reginae disponderemus, respectivè factam, in
 omnibus, & singulis eius partibus, ac in omnibus, & per omnia, &
 omnino, quo ad omnia, perinde ac si auctoritate, & iussu nostris, à
 principio facta fuissent, approbamus, & confirmamus, omnesque &
 singulos, tam iuris, quam facti, & solemnitatum quarumcumque in
 simi-

similibus, seu in ea conficienda, de necessitate observandarum, & alios etiam quantumvis formales, & alios quoslibet, etiam specifica, & indibidua mentione, & expressione dignos defectus, si qui desuper quomodolibet intervenerint, seu intervenisse dici, vel prætendi quoquomodo, & quovis tempore possent, etiam ab ipso initio supplemus, & sanamus, ac illos, omnemque aliam exceptionis, annullationis, irritationis, sive revocationis prædictæ obligationis, etiam iuridicam, & speciali nota dignam allegationem, quæ ex quibusvis etiã iuridicis, & legitimis Capitibus, etiam rei iudicatæ, ac per dictas litteras Alexandri Septimi occlusi oris, ac quovis iure, via, & causa, etiam in excogitata, contra obligationem huiusmodi resultare, insurgere vel opponi posset in futurum, etiam penitus, & omnino, pariter ab ipso initio tollimus, removemus, perimimus, & abolemus; Nec non supplicationi, interpositioni, & instantiæ à prædictis Carolo Rege, & Mariana Regina Nobis factis, inherentes & inclinati. In primis in dicta Ecclesia Sanctæ Mariæ ac omnibus, & singulis illius Dignitatibus, Canonicatibus, & Præbendis, Offitijs, & alijs si quæ sint Beneficijs regularibus, & in Comendam obtentis, Ordinem prædictum Sancti Augustini Canonorum Regularium, omnemque statum essentiam, & dependentiam regulares, ex nunc Apostolica Auctoritate prædicta, penitus, & omnino ac perpetuo supprimimus, & extinguimus, ac Ecclesiam Sanctæ Mariæ prædictæ, Dignitates, Canonicatus, & Præbendas, Officia, & alia si quæ sint in ea Beneficia, ad statum sæcularem, salvis tamen & firmis, & illeis remanentibus omnibus & singulis, privilegijs, indultis, exemptionibus, libertatibus, immunitatibus, præhementijs, prærogativis, honoribus, facultatibus, iurisdictionibus, cõcessionibus, indulgentijs, & alijs gratijs, tam spiritualibus, quàm temporalibus prædictæ Ecclesiæ Sanctæ Mariæ, illiusque Capitulo, & Mensæ Capitulari, ac Prioratui, Officijs, & alijs Beneficijs, nec non illa pro tempore obtinentibus, cæterisque Ministris, & personis, quomodolibet de iure, vel consuetudine, aut Privilegio, seu alias quomodolibet competentibus, quo ad ea quæ sunt in usu, nec rebocata, vel sub aliqua generali rebocatione comprehensa, nec statui sæculari, & sacris Canonibus, & Constitutionibus Apostolicis, nec non Concilij Tridentini Decretis, ac præsentibus adversantur, nec non decimis, primitijs, censibus, laudemijs, recognitionibus, servitutibus, libellis, possessionibus, proprietatibus, legatis, aniversalijs, donationibus, iuribus, rebus, & bonis ad illa quomodolibet spectantibus, & pertinentibus, etiam si per Sedem prædictam illiusque Legatos, vel Nuncios, ac Imperatores, Reges, Reginas, Principes, & alios vtriusque sexus Christi fideles quoscumque, etiam in-

intuitu, & contemplatione Religionis, & quamdiu illa ibidem vige-
ret, donata, concessa, relicta, erogata, & elargita fuerint, omnino re-
ducimus. Illis tamen qui Regulares remanere voluerint, in hijs quæ
votorum substantiam concernunt Statum Religiosum, quoad vixe-
rint, retinere posse concedimus, dummodo tamen in ipsa Eccle-
sia Sanctæ Mariæ personæ diversi habitus non existant, sicque
qui sæculares esse voluerint, tam in Choro, & Capitulo dictæ Eccle-
siæ Cæsaraugustanæ, quàm alibi, alijs illius Canonicis sæcularibus in
Habitu exteriori, infra declarâdo, ac ritu incessu, & ceremonijs abs-
que alicuius apostasiæ, irregularitatis, seu inhabilitatis nota, vel ma-
cula, aut alterius censuræ, seu pœnæ Ecclesiasticæ incurfu, retento
subtus Regulari eorum Habitu, & firmis alijs remanentibus tribus
substantialibus votis, per eos emisis, se cõformare debeant; Ac fru-
ctus quorumcumque Beneficiorum Ecclesiasticorum per eos tunc
obtentorum, & pro tempore obtinendorum in suos proprios, & alios
eis bene visos, honestos tamen, & alios licitos vsus convertere; Nec
non de bonis suis mobilibus & immobilibus, ac se moventibus qui-
buscumque, tam in vita, quàm in morte, ac in eorum vltimis volun-
tatibus, perinde ac si Regulares numquam fuissent testari, & dispo-
nere possint; ipsis autem Regularibus abintestato decedentibus, om-
nia, & quecumque eorum bona prædicta, Mensæ Capitulari acquisi-
ta sint, & quecumque, & qualiacumque alia cum Cura, & sine Cura
Beneficia Ecclesiastica, etiã si Canonicatus, & Præbende, Dignitates,
etiã maiores, & Principales personatus, Administrationes, & Offi-
cia, etiã in alijs Cathedralibus, Metropolitanis, & Collegiatis, alijsque
Ecclesijs consistentia, seu si Parrochiales Ecclesiæ, vel earum perpet-
uæ Vicariæ fuerint, & ad Dignitates, Personatus, Administrationes,
& Officia huiusmodi consueverint, qui per electionem assumi,
eique Cura imineat animarum, si eis aliàs Canonicè conferantur,
aut ipsi eligantur, præsententur, vel alias assumantur ad illa, & insti-
tuantur in eisdem, recipere, & dummodo plura simul non sint quæ-
que à Concilio præfato permittuntur, quoad vixerint retinere, &
quascumque pêsiones anuas super similibus, vel dissimilibus, Bene-
ficiorum Ecclesiasticorum fructibus, redditibus, & proventibus, ac
etiã distributionibus quotidianis, eis dicta auctoritate reservan-
das, percipere, exigere, & levare, ac in suos vsus, & vtilitatem conver-
tere libere, & licite valeant, neque in quibuscumque impetrationi-
bus, dispensationibus, facultatibus, indulgis, & gratijs quibuscum-
que per ipsos, vel eorum quemlibet, à Sede prædicta, vel eius Leg-
gatis, seu Nuncijs Apóstolicis, aut locorum Ordinarijs, seu alijs vn-
decumque obtinendis, & ipsis quomodolibet concedendis, vllam de

suscepto ab eis Habitu, & emissa professione Regularibus, & eorum
 reductione, & translatione ad statum sæcularem, huiusmodi alijsque
 præmissis, vel eorum aliquo mentionem facere teneantur; sed se
 Canonicos sæculares, aut Clericos sæculares denominare, & in-
 scribere debeant, eadem auctoritate licentiam cõcedimus, & impar-
 timur; Ac omnia, & singula, quæ in dicta Ecclesia Sanctæ Mariæ, pro
 Canonicis, & personis Regularibus erant, de cætero pro Canonicis,
 & personis sæcularibus sint, & esse censeantur; Nec deinceps aliqua
 persona ad Habitum, & Professionem Regulares inhibi aliquomodo
 recipi, vel admitti debeat, etsi recipiatur, & admittatur, receptio, &
 admissio huiusmodi, & inde secuta quæcumque nullius sint roboris,
 vel momenti. Deinde dictam Ecclesiam Sanctæ Mariæ, sic in sæcu-
 larem statum reductam, & alteram Sancti Salvatoris, ita vt licet
 duæ Ecclesiæ Materiales verè existant Vna in posterum, atque ea-
 dem Cathedralis, & Metropolitana Ecclesia Cæsaraugustana nũ-
 cupari debeat, earumque Dignitates, & Canonici Vnum, atque idem
 Capitulum constituent cum omnibus, & singulis Cathedralitatis il-
 larum, & alijs iuribus preeminentijs, & antiquitatibus invicem per-
 petuo Vnimus, coniungimus, & incorporamus. Ac in dicta Ecclesia
 Cæsaraugustana vnum Decanatum, qui inhibi Dignitas post Pon-
 tificalem maior existat pro vno Decano, & Quinque Archidiaconat-
 us, nempè Archidiaconatum Maiorẽ Beatæ Mariæ del Pilar, nun-
 cupandum, in locum Dignitatis Prioratus, qui in dicta Ecclesia San-
 ctæ Mariæ, nunc existit pro vno Archidiacono Maiori Beatæ Mariæ
 del Pilar, & alium Archidiaconatum Maiorem Sancti Salvatoris, in
 locum illius qui nunc dicitur Ecclesiæ Cæsaraugustanæ, pro alio
 Archidiaconatu Maiori Sancti Salvatoris, & alium Archidiaconatum
 de Daroca, aliumque de Belchite, atque alium qui de iure Patrona-
 tus dicti Caroli Regis ex Fundatione, vel Dotatione, aut Privilegio
 Apostolico, cui non est hæcenus in aliquo derogatum fore dignos-
 citur, Archidiaconatum de Aliaga, respectivè nuncupatos, seu nun-
 cupandos, pro alijs tribus Archidiaconis de Daroca, de Belchite, &
 de Aliaga, etiam respectivè nuncupatis, seu nuncupandis, necnon
 vnum Cantoratum, pro vno Cantore, ac vnam Thesaurariam, pro
 vno Thesaurario, item vnum Archipresbyteratum del Pilar, nuncu-
 pandum in locum Prioratus Sanctæ Christinæ nuncupati, pro vno
 Archipresbytero del Pilar nuncupando, & vnam Scholasticam, pro
 vno Scholastico, & tres alios Archipresbyteratus Sancti Salvatoris,
 de Darocâ, & de Belchite, similiter nuncupatis, seu nuncupandis, pro
 tribus Archipresbyteris Sancti Salvatoris de Darocâ, & de Belchite,
 respectivè nuncupatis, seu nuncupandis, omnes Dignitates inhibi,

non tamen post Pontificalem maiores, ac triginta, & vnum Canonica-
 tus, & totidem Præbendas, quot ad præsens in prædictis Ecclesijs
 Sanctæ Mariæ, & Sancti Salvatoris huiusmodi respectivè existunt,
 esse debere statuimus, & declaramus, ac respectivè erigimus, & insti-
 tuimus, ita vt dictas tresdecim Dignitates, & triginta, & vnum Ca-
 nonicatus, & Præbendas, huiusmodi pro tempore obtinentes in pos-
 terum, postquam infra scripta supressio trium Canoniceatum, & Præ-
 bendarum, effectum sortita fuerit, ac interim donec fortiatur efec-
 tum huiusmodi, in qualibet Ecclesia pari numero Canonici, esse de-
 beant, novum, & vnicum Capitulum Cathedralis, & Metropolita-
 næ Ecclesiæ Cæsaraugustanæ, vt dictum est perpetuo conficiant, &
 constituent, & Decanus vti Caput nobi Capituli, prædicti habeat lo-
 cum determinatum in Choris Ecclesiarum Sanctæ Mariæ, & Sancti
 Salvatoris huiusmodi, ac personalem residentiam modo in vna, mo-
 do in altera illarum per sex menses continuos alternis vicibus face-
 re debeat, ac vni ex dictis Ecclesijs vltimo dicti tres Archidiacona-
 tus videlicet del Pilar, de Daroca, & de Aliaga respectivè nuncupa-
 ti, ac Thesauraria, & Scolastia, & Archipresbyteratus del Pi-
 lar, nuncupatus, & quindecim Canoniceatus, ac totidem Præbendæ,
 Ecclesiæ verò alteri duo Archidiaconatus, videlicet Sancti Salvato-
 ris, ac de Belchite nuncupati, & Cantoria, & tres Archipresbyteratus
 Sancti Salvatoris, de Daroca, & de Belchite, etiam nuncupati, & reli-
 qui sex decim Canoniceatus, cum totidem Præbendis huiusmodi,
 siue eas, atque eos pro tempore obtinentes in duo Collegia, seu Cor-
 pora separati alternis vicibus, ac singulis annis de vna ad aliam
 perpetuo transferendi, deservire teneantur. Dux autem Capellanæ
 perpetuæ Regis nuncupatæ, quæ nunc in dicta Ecclesia Sanctæ Ma-
 riæ institutæ existunt, cum stallo in Choro, & Habitu Canonicali in
 eadem Ecclesia Sanctæ Mariæ, etiam perpetuo remaneant, nisi aliter
 pro tempore existenti Archiepiscopo Cæsaraugustano, iuxta men-
 tem dicti Caroli Regis, has duas residentias, & servitia distribuere,
 ac repartiri videbitur. Statuentes, & ordinantes, vt Decanus pro tẽ-
 pore existens dictæ Ecclesiæ Cæsaraugustanæ conservet, & retineat
 omnia iura, præheminentias, ac prærogativas, quæ prius habebat,
 tam in dicta Ecclesia Cæsaraugustana, quam in Curijs, & Officijs pu-
 blicis Regni Aragoniæ, & adhuc effectum tantum vocetur etiã De-
 canus Sancti Salvatoris, & Archidiaconus Maior del Pilar, etiam cõ-
 servet, & retineat ius, quod habebat, vti Prior del Pilar, in Officijs
 publicis dicti Regni, & similiter ad eundem effectum tantum, reti-
 neat nomen Prioris del Pilar, & Archipresbyter del Pilar pariter
 conservet, & retineat ius, quod habebat in Officijs publicis dicti
 Reg-

Regni, vti Prior Sanctæ Christinæ, & ad similem effectum, tantum etiam retineat nomen Prioris Sanctæ Christinæ. Ad effectum vero dividendi prædictam inter Canonicos residentiam in duobus Choris dictarum Ecclesiarum possit, & debeat antiquior Canonicus ex prædictis triginta vno, eligere pro hac prima vice ex prædictis Ecclesijs, illam in qua velit primum residere, & proximus in antiquitate Canonicus, transire debeat ad aliam observando hanc Regulam, & Ordinem in omnibus alijs Canonicis, etiam Magistrali, Penitentiario, Lectorali, & Doctorali, respectivè nuncupatis, Dictæque Dignitates, ac Canonicatus, & Præbendæ conferri debeant iuxta formam, & tenorem in litteris Apostolicis sæcularizationis prædictæ Ecclesiæ Sancti Salvatoris, alias per pie memoriæ Clementem Papam Octavum Prædecessorem nostrum, factæ expressos, & contentos. Et vt Habitus sit vniformis cum Capitulum, debeat esse vnicum tantum omnes, tam Dignitates, quam Canonici Habitu in prædictis litteris dicti Clementis, prædictæ Ecclesiæ Sancti Salvatoris ad statum sæcularem ab eo reductæ concessio, scilicèt, Hyemali tempore Cappis nigris cum Caputijs, Pellibus Armellinis intrinsecus suffultis, ac Rochetis, Manichas strictas habentibus, estiuo autem Rochetis similibus, & almutijs serico Rubro in oris internis ornatis, necnon Superpelliceis, seu Cortis cum manicis oblongis, seu alias iuxta consuetudinem in dicta Ecclesia Sancti Salvatoris canonicè introductam, illi etiam qui sæculares esse noluerint vti debeant, & teneantur. Et vterius ad hoc, vt Horæ Canonicæ in Ecclesijs prædictis, sic vnitis vniformiter, & in eisdem Horis recitentur possit idem Archiepiscopus reducere, & stabilire Horas matutinas ad primam Horam noctis, prout recitantur in dicta Ecclesia Sanctæ Mariæ, vel ad mediam noctem sicuti recitantur in Ecclesia Sancti Salvatoris huiusmodi, prout melius, & convenientius eidem Archiepiscopo videbitur. Et de cætero provisi de Dignitatibus Canonicatibus, & Præbendis prædictis præsentare litteras suarum provisionum dicto Capitulo, & in eo prius Possessio eis dari, & deinde in dicta Ecclesia, in qua eius antecessor pro tempore residebat, & in loco ad eum spectante, & in eadem Ecclesia ab illa die, vsque ad præscriptum Collegis suis recedendi tempus residere debeant. Processio vero generalis solemnitaris Corporis Christi, perpetuo exeat à dicta Ecclesia Sancti Salvatoris. In die verò Duodecima Octobris, in qua celebratur solemnitas Apparitionis, vt vulgò vocant Sanctissimæ Virginis Mariæ, fiat alia Processio Generalis cum eadem solemnitate, qua celebratur prædicta alia Corporis Christi, & perpetuo etiam exeat à prædicta Ecclesia Sanctæ Mariæ, & festum vt dicitur Patrocinijs

5

Regnorum Hispaniarum prædictæ Sanctissimæ Virginis, etiam perpetuo celebretur in prædicta Ecclesia Sanctæ Mariæ. Ad dictas autem Processiones, prout ad omnes alias, quæ pro tempore a prædicto Capitulo Cæsaraugustano fiunt, accedant omnes Dignitates, & Canonici ambarum Ecclesiarum huiusmodi, cum eodem ordine, & graduatone, quibus assistunt in Capitulo, & immediate post Canonicos moderniores incedant duo Capellani Regij nuncupati, residentes in dicta Ecclesia Sanctæ Mariæ, si aliter dispositum non fuerit, ac deinde post eos cæteri Præbendati dictarum Ecclesiarum huiusmodi, iuxta antiquitatem receptionis cuiuslibet eorum, in qualibet prædictarum Ecclesiarum, quod idem sit respectu aliorum Beneficiatorum, & Ministrorum. Cum vero Processio ex vna ex dictis Ecclesijs exire debet, Dignitates, & Canonici, cæterique in altera Ecclesia tunc residentes, accedant processionaliter cum sua Cruce ad dictam Ecclesiam, à qua Processio exire debet, & directè ingrediantur, in eius Chorum, ibique vnusquisque ingredientium ratione suæ antiquitatis locum habeat, ac etiam vna illa tantum Crux, quæ deferretur ex altera Ecclesia, in alteram vnde exire debet Processio, deferri debeat in dicta Processione, & statim ab ingressu in dictam Ecclesiam collocetur eadem Crux, in loco vbi præcedat omnes alias Parrochialium Ecclesiarum Cruces, absque eo quod concurrat propria Crux in dicta Ecclesia. Sanctorum vero Reliquiæ, quando deferrentur in dictis Processionibus, eo ordine deferantur, vt præcedere debeat alias omnes, dignior, & præstantior Reliquia, siue eius ferculum, aut Reliquarium eius Ecclesiæ, à qua processio exhibit, indeque sequatur alterius Ecclesiæ alia cæteris dignior similiter, atque præstantior, & has alia vtriusque Ecclesiæ, hoc eodem alterno ordine, sequantur. Semperque in Processionibus, Funeralibus, & alijs functionibus, quo non vocatum fuerit integrum Capitulum, sed pars illa tantum, quæ tunc seruiet alteri dictarum Ecclesiarum, seruentur, & impendantur eidem honor, & prærogativæ, quæ seruantur, & impenderentur, si Capitulum integrum interveniret. Et quo ad Musicam vtraque Ecclesia vtatur pari numero Musicorum, & instrumentorum, & eis solvatur equale salarium, ac deficiente aliquo, illorum loco, infra octo dies Capitulum prædictum Aedicta assignat, & infra duos Menses à die Data Aedictorum huiusmodi, de dicto loco provideri debeat, alias prædicto tempore elapso ad pro tempore existentem Archiepiscopum prædictæ Ecclesiæ, nequeant in altera recipi, sed perpetuo remaneant in Ecclesia, in qua à principio fuerunt recepti. Quando autem omnes

convenient, occasione vnionis totius Capituli, sub directione, & gubernio Magistri Capellæ illius Ecclesiæ à qua Processio exhibit canere debeant, ac observare inter se antiquitatem suorum vnusquisque locorum, & præcedentiam, ac si omnes vni Ecclesiæ tunc deservirent. Pro electione vero Prædicatoris pro temporibus Quadragesimæ, & Adventus teneatur Capitulum se congregare in Mense Aprilis, & cõmittere duobus Canonicis singularũ dictarum Ecclesiarum, vt eorum quilibet eligat Prædicatorem Adventus illius Anni, & consequenter Quadragesimæ sequentis Anni, pro Ecclesia præsentis suæ residentia, & elemosyna, quæ dabitur eisdem Prædicatoribus equalis esse debeat pro vtraque Ecclesia; Ac in die Cinerum prædicetur in duabus Ecclesijs vnitis huiusmodi, & in illa Hospitalis Beatæ Mariæ de Gratia nuncupati, iuxta consuetudinem dictæ Civitatis, quæ in hoc servanda erit. Publicationes vero Indulgentiarũ, & aliarum gratiarum, ac excommunicationes publicari solitæ in Ecclesijs Cathedralibus in illa fieri Ecclesia, in qua pro tempore actualiter residebit Decanus, & in hac etiam Capitula celebrari, ac teneri, & concursus pro vacantibus, & per concursum providendis Canonicatibus haberi debeant; Et Rectores Parrochialium Ecclesiarum dictæ Civitatis, singulis diebus Sabbati cuiuslibet Hebdomadæ, petere etiam debeant Ordinem recitandi Diuinum Officium, per totam Hebdomadam sequentem, in illa Ecclesia, in qua etiam, vt præmittitur, dictus Decanus pro tempore residebit. Fructus autem, redditus, & Proventus dictarum Ecclesiarum conserventur, prout nunc sunt divisi, quovsque Nos cerciorati de statu, in quo de præsentis reperiuntur Ecclesiæ prædictæ sub id disposuerimus. Interim vero illis Canonicis, & Dignitatibus, qui prius residebant in Ecclesia Sancti Salvatoris, & in posterum, vel in ea, vel in altera Sanctæ Mariæ residebunt, solvantur eorum Portiones perinde, ac si adhuc residerent in prædicta Ecclesia Sancti Salvatoris, atque ex eisdem Massa, & redditibus, ac illis qui prius residebant in Ecclesia prædicta Sanctæ Mariæ, & tunc temporis in eadem, seu in altera Sancti Salvatoris residebunt, similiter solvatur ex eisdem Massa, & redditibus Ecclesiæ Sanctæ Mariæ, eadem summa quam percipiebant, & percepturi fuissent, si adhuc residerent in dicta Ecclesia Sanctæ Mariæ; Et Archidiacono Maiori del Pilar, qui subrogabitur in locum Prioris dictæ Ecclesiæ, assignetur duplicata portio, præterquam in distributionibus quotidianis, illius quæ dabitur cuilibet ex ijs Canonicis, qui prius residebant in dicta Ecclesia Sanctæ Mariæ; Et reliqui fructus non spectantes ad Mensas Capitulares vnitarum Ecclesiarum prædictarum, prout sunt redditus Fabri-

cæ, & Elemofynarum convertantur in eos vniufcuiusque earun-
 dem Ecclefiarum vfus in quo deftinati funt; fine comixtione, vel
 confufione, fed eorum computum feperatum teneatur. Nullum-
 que inde præiudicium fequatur Creditoribus Menfarum prædic-
 tarum; etiam occasione penfionum Ecclefiasticarum fuper earum
 bonis; hypotecas habentes; fed eorum iura remaneant ta-
 lia qualia funt, in ftatu & terminis, in quibus de præfenti repe-
 riuntur, ita vt propter præmiſſa, nullum novum ius ipſi creditores
 acquirant, nec aquiſitum amittant. Præterea quia ob temporum
 iniuriam, & prædictarum litium neceſſarias expenſas fructus Men-
 farum Capitularium, huiusmodi valde diminutos exiſtere, examine
 rei extra ordinem habito, Nobis innotuit; tres Canonicatus, &
 totidem Præbendas; ex nunc provt ex tunc; & contra poſtquam
 illos primo loco, etiam per celum; & ex cauſa permutacionis, vel
 deceſſum, aut priuationem, vel amiſſionem, Religionis ingreſſum,
 aut promotionem, ſeu aſſecutionem alterius Beneficij Eccleſiastici,
 vel matrimonij contractum, aut alias quovis modo, ſeu quomodo-
 cumque extra Romanam Curiam, non tamen per obitum apud Se-
 dē Apoftolicā vacare contigerit perpetuo ſupprimimus, & extingui-
 mus, & illorū fructus redditus, & provētus Menſæ Capitulari Cæſar-
 auguſtanæ, ſalvis tamen, & illæſis remanentibus penſionibus, ſuper-
 dictorū Canonicatum, & Præbendarum fructibus, redditibus, & pro-
 ventionibus; ac diſtributionibus per Sedem eandem in actu illo-
 rum proviſionum, ſeu reſignationum; vel alijs quomodolibet re-
 ſervatis, quæ firmæ, & illeſæ, vt præmittitur remaneant donec ceſſa-
 verint, aut alias extinctæ fuerint, & ad illarum ſolutionem Capitu-
 lum prædictum ſub eiſdem obligationibus omnino teneantur, etiā
 perpetuo aplicamus; & appropriamus. Volentes, vt Domus in
 quibus de præſenti habitant Canonici dictæ Eccleſiæ Sanctæ Ma-
 riæ, quancumque eas vacare contigerit ſubiaceant pariformi,
 atque eidem optioni cum illis; quas nunc habitabant Canonici
 dictæ Eccleſiæ Sancti Salvatoris; admiſſis ad dictam optionem,
 tam Archidiacono Maiori del Pilar; & alijs Dignitatibus certas
 Domos non habentibus, quam omnibus vtriuſque Eccleſiæ Ca-
 nonicis; Ac pro tempore exiſtens Archiepiſcopus ſtatim, poſt-
 quam præſentaverit litteras Apoftolicas, Proviſionis, & præfec-
 tionis dictæ Eccleſiæ prædicto Capitulo, & ab eo adeptus fuerit
 poſſeſſionem, ſeu quali regiminiſ, & adminiſtrationis illius, appre-
 hendere debbit illam, in Choriſ vtriuſque Eccleſiæ ab ea inci-
 piens, quæ magis ei placuerit; Et in feſtivotatibus Beatæ Mariæ
 Virginis, Sancti Iacobi, & Sancti Braulionis; & in die Converſo-
 rum

rum nuncupato, si pro tempore existens Archiepiscopus prædictus, Pontificaliter celebrare velit, omnino celebrare teneatur in dicta Ecclesia Sanctæ Mariæ, cum assistentia dumtaxat Dignitatum, & Canonorum, qui tunc residebunt in dicta Ecclesia Sanctæ Mariæ, & similiter in Festivitatibus Paschatis, Resurrectionis Dominicæ, & Pentecostes, & alijs Domini Nostri Iesu Christi, & Sancti Valerij, & Nativitatis Sancti Ioannis Baptistæ, & Sanctarum Iustæ, & Rufinæ, si prædictus Archiepiscopus, ut præmittitur Pontificaliter celebrare velit, debeat etiam omnino celebrare in prædicta Ecclesia Sancti Salvatoris, cum assistentia tantum Dignitatum, & Canonorum, in eadem Ecclesia Sancti Salvatoris, tunc residentium. Verum functiones Maioris Hebdomade fiant à prædicto Archiepiscopo, ad eius arbitrium in altera dictarum Ecclesiarum, sibi bene visa, cum hoc tamen, quod mittere debeat ad aliam Ecclesiam, in qua dictam functionem non faciet, portionem qua egebit Olei Sancti, & quo ad distributionem dicti Olei Sancti, quæ fit cæteris Parrochialibus Ecclesijs totius Diocesis Cæsaraugustanæ, ad hoc, ut illarum Rectores æqualiter illud recipiant ab utraque Ecclesia, earum cuiuslibet, nota detur cum medietate dictarum Ecclesiarum Parrochialium, tam intra, quam extra Civitatem Cæsaraugustanam existentium, & tunc utriusque residentiarum antiquiores Archipresbyteri distribuunt Rectoribus utrique parti equaliter assignatis. Distributio vero Palmarum in Dominica Palmarum, & Candelarum in Festo Purificationis Beatæ Mariæ Virginis in utraque fiat Ecclesia. Totum autem Capitulum prædictum condere possit Statuta, licita tamen & honesta, in omnibus illis Rebus, quæ Sacris Canonibus, ac literis Apostolicis prædicti Clementis Prædecessoris, super secularizatione dictæ Ecclesiæ Sancti Salvatoris, ac in præsentibus contentis, ac Constitutionibus Apostolicis non adversentur; Ac de cætero prædictas litteras Clementis Prædecessoris, in hijs quibus per præsentibus eis derogatum non fuerit observari debere, etiam perpetuo præcipimus, decernimus, & ordinamus. Denique pro eorundem omnium, & singulorum præmissorum, quæ tam in hijs præsentibus, quam in prædictis Clementis Prædecessoris continentur, propter utrarumque litterarum huiusmodi inter se dependentiam, & connexionem, executione, Sede Archiepiscopali Cæsaraugustana plena, pro tempore existenti Archiepiscopo, in omni eo in quo dictus Archiepiscopus interesse non habuerit, & in eo in quo de eius interesse agetur, & similiter Sede Archiepiscopali vacante Episcopo Suffraganeo Antiquiori, plenam, & amplam facultatem similiter impartimur. Decernentes præmissa omnia,

nia, & singula, nec non presentes nullo vnquam tempore, etiam ex eo quod quicunque cuiusvis Status, Ordinis Preeminentia, & Dignitatis, aut alias specifica, & indibidua mentione, & expressione digni in premissis, seu eorum aliquo ius, vel interesse habentes, seu habere pretendentes, & quancumque habituri, vel pretenfiori illis non confenserint, nec ad ea citati vocati, vel auditi, nec causa, propter quas presentes emanarint adueta, specificata, & iustificata fuerint, aut ex quavis alia quantumvis iuridica, & legitima pia, privilegiata, speciali nota digna, ac de necessitate iuris, vel facti, aut circumstantiarum, seu alias omnino exprimenda causa, colore pretextu, & capite, etiam in corpore iuris clauso, etiam enormis, enormissima, & totalis lesionis nullo vnquam tempore de surreptionis, vel obreptionis, aut nullitatis vitio, vel intentionis nostrae, ac interesse habentium, vel habiturorum consensus, aliouero quomodolibet, etiam quantumvis magno substantiali, & substantialissimo, ac in cogitato, & incogitabili, indibiduaque expressione requirente, defectu, notari, impugnari, infringi, redargui, in ius, vel controersiam vocari, ad viam, & terminos iuris reduci, aut aduersus eas a petitionis oris, restitutionis in integrum aliudve quodcumque iuris, vel facti gratia remedium impetrari, vel intentari, aut impetrato, seu etiam Motu proprio concessa, vel emanata, quempiam in iudicio, vel extra illud, vti seu se iurare posse; Neque sub quibusvis vnionum, dismembrationum, separationum, etiam effectum non Sortitarum aliarumque similium, vel dissimilium gratiarum, revocationibus, limitationibus, modificationibus, suspensionibus, derogationibus, aut alijs contrarijs dispositionibus, operi quoscumque Romanos Pontifices, & per Nos, & Sedem praedictam etiam in crastinum assumptionis, ad Summi Apostolatus apicem quorumcumque Successorum nostrorum, vel alias etiam Motu simili, & ex certa scientia, etiam Consistorialiter, ac de Apostolica potestatis plenitudine sub quibuscumque Theoribus, & formis, ac cum quibusvis etiam derogatoriis derogatorijs, alijsque efficacioribus efficacissimis, & in solitis clausulis, necnon irritantibus, & alijs decretis, etiam ex quibusvis causis, & alijs quancumque pro tempore emanatis, etiam si de eisdem presentibus eorumque toto Theore ac data, specialis, specifica, expressa, & indibidua, ac de verbo ad verbum mentio fiat comprehendi, sed tanquam in Divini Cuius favorem Ecclesiarum personarum pacem, & concordiam, ac decretorij, dicti Concilij Tridentini executionem concessa semper, & omnino ab illis excepta, & quoties ille emanabunt, toties in pristinum, & validissimum, & cum in quo antea quomodolibet erant statum

D

restit-

restituta, & reposita, & plenarie reintegrata, ac de nobis etiam sub
quacumque posteriori, & nobis Datta per Carolum Regem, eiusque
Successores, necnon pro tempore existentes Archiepiscopum, & Capi-
tulum predictos, quodcumque eligenda concessa valida, & efficacia
esse, & fore, ac suos plenarios, & integros effectus sortiri, & obtinere,
ac ab omnibus, ad quos nunc spectat, & pro tempore spectabit in vio-
labilitate, & ad unquam observari. Sicque & non alias in omnibus,
& singulis præmissis per quoscumque Iudices Ordinarios, & Dele-
gatos, etiam Causarum Palatii Apostolici Auditores, ac eiusdem
S. R. E. Cardinalis, & de Latere Legatos, Vicelegatos, & dicte
Sedis Nuncios, aliosque quoslibet quavis Præheminentia, & Potes-
tate fungentes, & functuros sublata eis, & eorum cuilibet, quavis
aliter iudicandi, interpretandi, & definiendi facultate, & auctorita-
te iudicari, & definiendi debere, irritum quoque, & inane si secus su-
per his, à quoquā quavis auctoritate scienter, vel ignoranter contige-
rit attentari. Non obstantibus omnibus, & singulis præmissis ac nos-
tris, & Cancellariæ Apostolicæ Regulis de Unionibus committendis ad
partes vocatis quorum interest, ac de exprimendo vero anno valore,
& de iure quæsito non tollendo, necnon quatenus opus sit Latera-
nensis Concilii novissimè celebrati Uniones perpetuas nisi in casu-
bus à iure permissis fieri prohibentibus, ac recolendæ memoriæ Pij
Papæ Quarti, etiam Prædecessoris Nostri de Gratij interesse dictæ
Cameræ Apostolicæ, quomodolibet concernentibus in dicta Ca-
méra infra certum inibi expressum tempus registrandis, & in-
suaudis, alijs ille non vaseant alijsque quibusvis Apostolicis
Constitutionibus, & ordinationibus, etiam in Synodalibus, Provin-
cialibus, Universalibus, & Generalibus Concilijs editis, vel edendis
specialibus, vel generalibus, necnon Cæsaraugustanæ, & aliarum
Ecclesiarum quarumcumque, & ordinis prædictorum, etiam iura-
mento confirmatione Apostolica, vel quavis firmitate alia roborata,
statutis, & consuetudinibus Privilegijs quoque, indultis, & literis
Apostolicis, etiam in forma Brevis, per quoscumque Romanos Pon-
tifices Prædecessores Nostros, ac Nos, & Sedem eandem etiam per
viam Legis generalis, & Statuti perpetui ac Motu, scientia, & potes-
tatis plenitudine paribus, & cum quibusvis, irritativis, annullativis,
causativis, revocativis, præservativis, exceptivis, restitutivis, declara-
tivis mentis attestativis, ac etiam derogatoriarum derogatorijs, alijs-
que efficacioribus, efficacissimis, & insolitis clausulis, ac irritanti-
bus, & alijs decretis eisdem Ecclesijs unitis, illarumque Præsulibus,
Superioribus, Capitulis, Conventibus, & Personis, etiā locorum Ordina-
rijs, alijsque quibusvis, etiam ad Imperatoris, Regum, Reginarum,

Ducum, & aliorum Principum instantiam, seu eorum intuitu, & cō-
 templatione in contrarium eorundem præmissorum, etiam pluries
 concessis approbatis, & innovatis. Quibus omnibus etiam si pro
 illorum sufficienti derogatione aliàs de illis eorumque totis tenori-
 bus, specialis, specifica, expressa, & indibidua, ac de verbo ad verbū,
 non autem per clausulas generales idem importantes mentio, seu
 quævis alia expressio habenda, aut aliqua alia exquisita forma, ad
 hoc servanda foret, tenoris huiusmodi, ac si de verbo ad verbum,
 nihil penitus omissio, & forma in illis tradita observata inserti es-
 sent, illis aliàs in suo robore permanfuris, hac vice dumtaxat specia-
 liter, & expressæ, ac opportune, & validè Motu scientia, & potestatis
 plenitudine paribus derogamus, illisque omnibus, & singulis deroga-
 tum esse volumus contrarijs quibuscumque, volumus autem quod
 per præsentis iuri Patronatus, super dicta Ecclesia Cæsaraugustana,
 prædicto Carolo Regi, eiusque Successoribus competenti in nihilo
 præiudicatum esse intelligatur, sed illud in statu, & terminis in qui-
 bus ante præmissa erat omnino firmum, & illesum remaneat. Nul-
 li ergo omnino Hominum liceat, hanc paginam nostræ abso-
 lutionis, approbationis, confirmationis, suppletionis, sanationis,
 remotionis, peremptionis, abolitionis, reductionis, concessions, im-
 partitionis, declarationis, erectionis, institutionis, suprefionis, ex-
 tinctionis, applicationis, appropriationis, voluntatis, Decreti, & Dero-
 gationis infringere, vel ei ausu temerario contraire. Si quis autem
 hoc attentare præsumperit indignationem omnipotentis Dei, ac
 Beatorum Petri, & Pauli Apostolorum, eius se noverit incursum.
 Datis Romæ apud Sanctam Mariam Maiorem, Anno Incarnationis
 Dominicæ, millesimo sexcentesimo septuagesimo quinto, Tertio Idus
 Februarij, Pôtificatus Nostri Anno Sexto. *Locus* *Plumbi pendentis.